

## Messer u akciji zbrinjavanja pasa lotalica

Okrutnost nad životinjama sve je učestalija pojava u Bosni i Hercegovini, o čemu svjedoče brojni medijski natpisi i video snimci koji uznemiruju javnost. Velika skupina pasa lotalica tako se našla na meti okrutnih pojedinaca, prepuštena ulici i gladi, predstavljajući tako potencijalnu opasnost za društvo zbog eventualnih bolesti, agresivnosti i bjesnila. Premda razna udruženja pokušavaju zaštititi prava životinja i spriječiti okrutnost nad njima, ovaj problem se rješava sporo i neefikasno. Stjecajem okolnosti i naša kompanija uvučena je u ovu tužnu priču kojoj smo ipak pokušali dati pozitivan pečat. Na lokaciji firme jedno jutro zatekli smo više pasa lotalica, od kojih je jedna keruša u međuvremenu okotila i 10 mladih. Za sve pse se brinemo, imaju stanište, vodu i hranu svaki dan.

Odrasle pse dali smo veterinarski obraditi, sterilizirati i cijepiti, dok su kućici očišćeni od parazita. Do sada je udomljeno 6 kućica, ostalo ih je još troje - jedno je, nažalost, umrlo. Namjera nam je da u toku akcija udomljavanja pasa zbrinemo preostale kućice, a da veće zadržimo u krugu kompanije. Obraćali smo se usmeno veterinarskoj stanici na Stupu i Općini Novi Grad, međutim dobijali smo odgovor da oni nisu nadležni za zbrinjavanje. Ni razna udruženja koja se brinu za pse lotalice nisu nam, pored dobre volje, mogla mnogo pomoći.

Između ostalog obratili smo se Udruženju građana za sprečavanje okrutnosti nad životinjama SOS Sarajevo, gospodinu Velimiru Ivaniševiću, koji je iskazao svoju spremnost da pomogne u nekoj od eventualnih budućih akcija udomljavanja. Također je istakao da je naša firma prva u gradu koja se posvetila ovom zabrinjavajućem problemu i pokazala visok nivo svjesnosti u postupanju sa psima lotalicama.

„Messer BH Gas je na ovaj način pokazao da se može mnogo napraviti za zajednicu kad bi većina firmi u gradu i državi slijedili ovaj primjer. Mi moramo znati da je put prema EU popločan i našim odnosom prema životinjama. S obzirom na to kako se maćehinski odnosimo prema njima, Evropa mi se čini kao misaona imenica. Ipak, u ovakvoj gesti uposlenih u MEsseru vidim šansu da uspijemo“ – istakao je g. Ivanišević.

U duhu svog korporativnog gesla: „Mi stvaramo pozitivnu atmosferu“, Messer će uzeti učešća u akcijama udomljavanja životinja i pokušati biti jedan od faktora u podizanju svjesnosti prema nemoćnim grupama u društvu.







NOVOSTI.IZ SVIJETA PLINOVA.

Part of the Messer World 

### Messer kao izlagač na Gračaničkom sajmu

Messer BH Gas predstavio se kao izlagač na prvom međunarodnom sajmu poduzetništva i obrta „GRAPOS-EXPO 2010“ koji je održan od 07. do 10. aprila. Među 222 firme iz sedam evropskih zemalja našao se i Messer BH Gas koji je u tri dana predstavio svoj novi projekt. Riječ je o programu HOME CARE, koji nudi mogućnost pojedinačnog korištenja medicinskog kisika na slijedeće načine:

1. PREMIUM Oxystem 2000

Oxystem je sistem za lako i sigurno rukovanje i upotrebu medicinskog kisika. Ovakav sistem se sastoji od boce sa kisikom i regulatora. Mobilan je i ekonomična je varijanta. Malih je dimenzija i gotovo neprimjetan u Vašem domu.

2. ECONOMY – Koncentrator kisika

New Life Elite je koncentrator kisika, putem električne energije, jednostavan je za upotrebu. Služi za bolničku ili kućnu upotrebu. Rad je bežuman i može da radi 24 sata bez prekida.



Na sajmu smo zajednički nastupili na štandu VELFARM – Terme Gračanica. Ostvaren je zavidan broj kontakata sa potencijalnim kupcima, približno 15 kupaca, a tokom sajma smo i praktično demonstrirali upotrebu ova dva sistema. Naš štand posjetio je i visoki predstavnik g. Valentin Inzko, koji se zanimao za modele korištenja medicinskog kisika i rad i razvoj kompanije. Visoki predstavnik na štandu Messer BH Gasa



#### **celorMittal i Messer BH Gas krunisali suradnju zajedničkom večerom**

Uspješno poslovno partnerstvo dvije renomirane industrijske kompanije ArcelorMittala i Messera traje na obostrano zadovoljstvo od vremena kada su odlučili investirati u Bosnu i Hercegovinu.

Kada je prošle godine Messer BH Gas otvorio kiskanu u krugu ArcelorMittalove željezare u Zenici, ta je suradnja krunisana i kroz ugovorni odnos koji omogućava dalje perspektive razvoja međusobnih relacija, ali podstiče i uzajamnu povezanost.

Ta se međusobna povezanost ispoljava kako kroz odlično partnerstvo u biznisu tako i u zajedničkim posjetama određenim kulturnim i sportskim eventima.

Jedna od takvih prilika desila se u subotu 17. aprila kada su menadžeri obje kompanije nakon zajedničke večere prisustvovali spektakularnom koncertu balkanske muzičke zvijezde Željka Samardžića u velelepnoj dvorani Arena u Zenici.

Predstavnici ArcelorMittala, g. Mukund Kulkarni, CEO i g. PK Biju Nair, general manager, te generalni direktor Messer BH Gasa g. Valentin Ilievski sa svojim timom, družili su se u jednoj drugačijoj neoficijelnoj atmosferi, podstičući i na ovaj način zajedničku suradnju, ali i lokalnu zajednicu da nastavi sa upriličavanjem ovakvih manifestacija.

Prekrasna večer krunisana je i druženjem sa Samardžićem nakon koncerta.



NOVOSTI.IZ SVIJETA PLINOVA.

### **Messer učesnik regionalne konferencije o stranim ulaganjima**

Kao jedan od najvećih stranih investitora Messer BH Gas dobio je poziv za učešće na 3. regionalnoj konferenciji „Konkurentnost lokacije u kontekstu direktnih stranih ulaganja“, koja se u Hotelu Monument na Mrakovici, Nacionalni park Kozara, Prijedor, održala 27. i 28. aprila.

Generalni direktor Messera u BiH g. Valentin Ilievski učestvovao je kao panelista Konferencije na kojoj su analizirana iskustva i mišljenja investitora, zašto se odlučuju da investiraju na nekoj lokaciji u širem i užem smislu, da li bi sada promijenili odluku da su u prilici, koje su kritične tačke u poslovanju, te šta su njihova pozitivna iskustva, prijedlozi i sugestije. Direktor Ilievski istakao je da se poslovna klima u BiH može poboljšati ako se u svakoj lokalnoj zajednici kao i na višim instancama ide u pravcu rješavanja administrativno-pravnih barijera, prije svega oko izdavanja raznih dozvola i suglasnosti.

Također je istakao Messerovu viziju stalnog ulaganja u nova tržišta: „Nadam se da ćemo biti jedni od onih ekonomskih, privrednih i industrijskih faktora ujedinjenja koji će integrirati bosanskohercegovački prostor i da će lokalna zajednica kojoj se slijedeći put obratimo s namjerom da budemo ulagač od kojeg profitiraju svi, prepoznati važnost ovakvog investiranja i svoj benefit u tome.“

Organiziranjem ovakvih skupova koji okupljaju stručne menadžerske timove moguće je utvrditi modele za prevazilaženje poteškoća koje nastaju u procesu investiranja, ali i otvoriti kooperantsku mrežu partnera sa kojima će razvijati saradnju, ali i doprinijeti kvaliteti poslovnog okruženja i njegovom reprezentiranju.

Organizatori ove Konferencije bili su Ministarstvo za ekonomske odnose i regionalnu saradnju Vlade Republike Srpske, te Agencija za ekonomski razvoj Opštine Prijedor PREDA.



### Ilievski učesnik skupa "Gradovi Evrope - gradilišta budućnosti"

U povodu Dana Evrope u Mostaru je 06. maja održan skup pod nazivom „Gradovi Evrope – gradilišta budućnosti”. O evropskim perspektivama grada Mostara, njegovom političkom, ekonomskom, kulturnom, turističkom i ukupnom društvenom integriranju te povezivanju ljudi kroz razmjenu ideja, roba i komunikacija, govorili su gradonačelnik Mostara, g. Ljubo Bešlić, bivši gradonačelnik Berlina, g. Eberhard Diepgen, te bivši visoki predstavnik BiH g. Christian Schwartz Schilling. Generalni direktor Messer BH Gasa, g. Valentin Ilievski, također je učestvovao u sesiji govoreći o ekonomskim perspektivama Mostara, ističući njemačko povijesno iskustvo u podizanju privrede i obnovi zemlje nakon rata. Također je naglasio važnost integriranja svih resursa koje država BiH ima i nastupanja zajednički. Tako će se stvoriti efekti stabilnosti koji će potaknuti i strane investitore da u što većem broju ulažu u ovu zemlju.

Organizatori ove javne tribine bili su predstavništvo Fondacije Konrad Adenauer u BiH u suradnji s Gradskom upravom Mostara.



### Messer prijatelj malonogometnog turnira

Ove godine EUFOR-ov turnir u malom nogometu za učenike osnovnih škola u Bosni i Hercegovini podržala je i naša kompanija. Messer BH Gas već godinama učestvuje u podizanju svjesnosti svojih zaposlenih kada je u pitanju zdrav život ali i učestvovanje u pružanju potpore sportskim kolektivima u zemlji koji svoje kapacitete stavljaju na dispoziciju mladim sportskim snagama i talentima. Ovaj malonogometni turnir odigran je u Olimpijskoj dvorani Juan Antonio Samaranch i okupio je 335 timova osnovnih škola. Na kvalifikacionim turnirima nastupilo je oko 3.000 bh. osnovaca. U dvodnevним završnim susretima u Sarajevu nastupilo je 14 timova djevojčica i 28 timova dječaka. U kategoriji djevojčica prvo mjesto i putovanje u London osvojila je Osnovna škola "Milan Rakić" iz Karanovca. Ekipe OŠ "Ivana Mažuranića" iz

Tomislavgrada bila je druga, dok je OŠ "Jovan Dučić" iz Istočne Ilidže zauzela treće mjesto. Prvo mjesto u kategoriji dječaka i putovanje u London gdje će posmatrati utakmicu engleskog premijerligaša Tottenhama, osvojila je OŠ "Mladen Stojanović" iz Laktaša. Za osvojeno drugo mjesto u kategoriji dječaka malonogometna ekipa Osnovne škole "Safvet-beg Bašagić" dobila je putovanje u Amsterdam i ulaznice za utakmicu višestrukog prvaka Evrope - Ajaxa. Osnovna škola "Sapna" osvojila je treće mjesto i putovanje u Wolfsburg, gdje će gledati utakmicu istoimenog njemačkog prvoligaša. Generalni direktor Messera u BiH Valentin Ilievski uručio je pobjednički pehar u kategoriji djevojčica.

### **Tečni kisik za fabriku vode u Brčkom**

U Plazuljama kod Brčkog svečano je puštena u probni rad Fabrika vode kapaciteta 330 litara u sekundi, koja će prerađivati savsku vodu za potrebe gradskog i prigradskog stanovništva te lokalne industrije.

Ova važna investicija u industrijske kapacitete vrijedna je 20 miliona KM, a građanima Brčkog i okolice uskoro će biti dostupne dovoljne količine kvalitetne vode za piće.

Da bi proizvodni sistem bio u cjelosti zaokružen, fabrici u Brčkom bio je neophodan tečni kisik koji se koristi kao jedan dio tehnološkog procesa za pročišćavanje savske vode.

Znajući da je Messer u BiH vodeći proizvođač i snabdjevač ovim dragocjenim plinom, potpisan je ugovor o isporuci tečnog kisika za fabriku vode u Brčkom.

Time je uspostavljena poslovna suradnja i partnerstvo između dvije kompanije koje je zasnovano na međusobnom interesu, ali i potrebi da BiH jača, širi i razvija svoje industrijske kapacitete.

Ovakva ulaganja podižu privrednu infrastrukturu na svim nivoima, a Messer u BiH je jedan od bitnih faktora toga razvoja.

### **Messer opremio laboratorij za analizu plinova u Rajlovcu**

U skladu sa godišnjom poslovnom strategijom Messer je nakon obnavljanja upravne zgrade i distribucijskog centra u Rajlovcu pokrenuo aktivnosti na opremanju i ukupnom osposobljavanju laboratorija za analizu plinova. Laboratorij u Rajlovcu bavit će se ispitivanjem tehničkih plinova, medicinskih plinova i plinova za primjenu u pakovanju hrane.

„Plinovi za pakovanje hrane su budućnost u Messerovoj proizvodnji. Ova laboratorija će pružati specijalističke usluge proizvođačima tehničkih plinova. Laboratorij raspolaže modernim Servomexovim plinskim analizatorima opremljenim infracrvenim cirkonijskim ćelijama koje osiguravaju pouzdanost, tačnost i stabilno mjerenje parametara u milionitim dijelovima“ – riječi su voditelja laboratorija i menadžera za sigurnost, zdravlje i okoliš Denisa Butigana.

Zvanični standard u kontroli kvalitete proizvodnje je evropska farmakopeja koje se Messer pridržava u potpunosti.

U toku je proces akreditiranja ovog laboratorija po općim zahtjevima u BiH, evropskim i međunarodnim standardima koje provodi akrediciono tijelo BATA.

U svom najvećem postrojenju u BiH, u Zenici, Messer također ima laboratorij u kojem provjerava kontrolu svojih proizvoda.





### **Beach Soccer turnir u Neumu**

Proteklog vikenda Messer je sa svojom amaterskom nogometnom ekipom učestvovao na malonogometnom turniru koji je održan u Neumu u organizaciji Ambasade Republike Njemačke u BiH. Uz čak dvije ekipe Messera na turniru su učestvovala i ekipe Centrotransa, Hypo Alpe Adria Banke, Bader Šamac, Ambasada Republike Njemačke u BiH, ekipa sastavljena od njemačkih vojnika u sastavu EUFOR-a, te ekipa domaćina grada Neuma. Domaćin se pobrinuo za bespriekorne uslove za igru. Pijesak na kojem se igralo samo za ovu priliku dopremljen je u Neum i uz izvrstan prateći program sve je bilo spremno za turnir na visokom nivou. Ekipe su podijeljene u dvije grupe. Po dvije najbolje ekipe iz obje grupe su se plasirale u polufinale. Messer je u polufinalnoj tvrdog i napetog utakmici savladao ekipu Centrotransa rezultatom 2:1 nakon penala (0:0 u regularnom dijelu utakmice). U finalu je naš tim dočekala fizički izvrsno pripremljena domaća ekipa Neuma, ali i protiv jačeg protivnika naši momci su pokazali želju i htijenje i do samog kraja susreta bili ravnopravan protivnik, te do isteka regularnog vremena uspjeli odbraniti svoju mrežu. Nakon još jednog susreta bez golova (0:0) o pobjedniku turnira odlučivali su penali, a domaćin je na kraju ipak imao nešto više sportske sreće, te sa 2:1 donio radost svojim navijačima, a pobjednički pehar ostavio u Neumu. Uz pehar za drugo mjesto na turniru Messer je kući odnio i još jedan pehar. Naime, u svojim redovima Messer je imao najboljeg strijelca turnira sa pet postignutih golova.

### **SFK domaćin lige prvaka**

Od 11. do 16. augusta igraju se kvalifikacije za UEFA Ligu prvaka za žene. Naš najtrofejniji ženski nogometni klub SFK 2000 Sarajevo, čiji je generalni sponzor Messer BH Gas, i ove godine je predstavnik BiH, s obzirom da su deveti put za redom osvojile titulu prvakinja BiH. Ove godine su dobile i domaćinstvo, što je za klub i popularizaciju ženskog fudbala u BiH od velikog značaja. Također, SFK 2000 se po prvi put nalazi u prvoj jakosnoj skupini, tj. nosioci su grupe, što je ogroman uspjeh kluba. Dakle, tri ekipe koje će u augustu doći u Sarajevo, po bodovima i plasmanu na UEFA rang-listi su ispod naših prvakinja koje se nalaze na visokom 22. mjestu. Treba napomenuti da su bh. nogometašice najbolje rangiran tim Balkana, i da su sve zemlje bivše Jugoslavije, a također i Rumunija, Bugarska, Mađarska, Švicarska, Irska, Turska itd. ispod njih. U Nyonu u Švicarskoj će se 23. juna održati izvlačenje timova za grupnu fazu i šesnaestinu finala, tako da će naše prvakinje tad saznati ko su im protivnice. U kvalifikacijama po četiri tima igraju u grupama. Prvoplasirani timovi i jedna najbolja drugoplasirana ekipa prolaze u slijedeći krug takmičenja. SFK 2000 Sarajevo se kroz cijelo prvenstvo priprema za to važno takmičenje.

### **SFK Sarajevo 2000 državne prvakinje**

### **SFK Sarajevo 2000 državne prvakinje**

Naš najtrofejniji ženski nogometni klub SFK SARAJEVO 2000 postiže sjajne rezultate. Visokom pobjedom od 5:0 protiv svojih najvećih konkurentica ŽNK „Mladost“ iz Nević Polja postale su jesenji prvaci Bosne i Hercegovine u sezoni 2010./2011.

Slijedeće utakmice Ženske nogometne lige FBiH igraju se u martu.

Igračice koje su igrale za SFK 2000: Merima Pašalić, Mersiha Aščerić, Svjetlana Crnjak, Aida Hadžić, Azra Hamzić, Aida Džemidžić, Ivana Vlajić, Ivana Ivanović, Amela Fetahović, Amira Spahić, Amela Kršo, Alma Puščul, Nikolina Dijaković, Azra Numanović, Almira Spahić, Monika Pemper i Selma Kapetanović.

Trenerica: Samira Hurem. Golove su postigle: Kršo Amela (2 gola), Amela Fetahović (2 gola) i Amira Spahić (1 gol).

Glavni sponzor kluba je Messer BH Gas.

### **FIPA proglasila Messer najvećim investitorom u 2009**

Agencija za unapređenje stranih investicija u BiH (FIPA) upriličila je sinoć svečanost dodjele priznanja najvećim stranim investitorima u nekoliko kategorija za 2009. godinu. S ulaganjima od preko 20 miliona eura, otvaranjem fabrike s najmodernijom tehnologijom i upošljavanjem većeg broja radnika, Messer Group GmbH je prepoznat kao najveći strani investitor u kategoriji „Greenfield“. Preko svoje kompanije Messer BH Gas ova svjetski renomirana kompanija za proizvodnju i snabdijevanje plinovima djeluje punih 13 godina u BiH i konstantno ulaže kapital, tehnologiju i znanje u širenje razvojnog procesa u BiH. Direktorica FIPA-e Jelica Grujić uručila je nagradu generalnom direktoru Messer BH Gasa Valentinu Ilievskom. „Zahvaljujem se FIPA-i u svoje i u ime kompanije Messer BH Gas i cijele Grupacije na dodijeljenom priznanju. Vrlo smo počastvovani što smo između mnogih kandidata stranih investitora baš mi ponijeli ovu laskavu nagradu. Mi smatramo da svako ulaganje u ovu zemlju ima smisla i da BiH zaslužuje progres. Nema bezizlaznih stanja i granica koje dobar menadžment i vrijedni uposlenici ne mogu prevazići“ – kazao je na dodjeli g. Ilievski.

### **NOVOSTI.IZ SVIJETA PLINOVA.**

#### **Coca-Cola HBC B-H visoko ocijenila Messer za 2010.**

Kompanija Coca-Cola HBC B-H d.o.o. Sarajevo u okviru svog sistema upravljanja kvalitetom u septembru svake godine ocjenjuje svoje dobavljače. Kako saradnja između Messera i Coca-Cole traje još od 1997. godine, ova procjena se od tada vrši i za našu kompaniju. Veliko nam je zadovoljstvo objaviti da je Messer ove godine ocijenjen veoma visokom ocjenom 4,36 (od mogućih 5) ili 87%. "Coca-Cola HBC B-H d.o.o. Sarajevo ocijenila je kvalitet naših usluga i proizvoda, stručnost u primjeni međunarodnih standarda za kvalitet i sigurnost prehrambenih proizvoda, konkurentnost na tržištu, brzinu isporuke, izvršenje rokova, komunikativnost i tehničku podršku. "Ovi rezultati pokazuju da Messer kao dobavljač posjeduje najviši nivo stručnosti, kompetencije i poslovnosti. U Messeru su pokrenute aktivnosti za uvođenje novih standarda, a u godinama koje dolaze radiće se na tome da ocjena njihove primjene dosegne najviši stepen, kako bi se dodatno unaprijedila već sada odlična saradnja ove dvije kompanije.

#### **Kompaniji Messer Sarajevo Plin svečano uručen certifikat ISO 22000:2005**

U sjedištu kompanije u Sarajevu direktoru Messer BH Gasa Valentinu Ilievskom certifikat ISO 22000:2005 uručio je direktor renomirane certifikacijske kuće DQSBH - BHcert Derviš Čengić. Ovom certifikacijom Messer Sarajevo Plin pokazao je da ispunjava zahtjeve sistema upravljanja sigurnošću hrane. Certifikat se odnosi na prodaju plina koji se koristi u proizvodnji hrane. Azra Muhić, vođa tima za upravljanje sigurnošću hrane Messer Sarajevo Plina, kazala je da je procedura uvođenja, implementacije i certifikacije provedena kroz niz aktivnosti: edukaciju uposlenika, izradu dokumenata sistema upravljanja sigurnošću hrane prema zahtjevima standarda ISO 22000, implementaciju dokumenata sistema upravljanja sigurnošću hrane, interni audit te audit na licu mjesta gdje se vrši proces isporuke i skladištenja tekućih plinova iz autocisterne u skladišni rezervoar u Coca-Coli Sarajevo, kao i audit

dokumentacije koja se dostavlja kupcu. "Jako sam zadovoljan što smo uspjeli adekvatno, brzo i efektivno provesti proces uspostave standarda ISO 22000. Ovo je još jedan uspješan projekt kompanije Messer uz pomoć kojeg će aktivno sudjelovati u procesu proizvodnje hrane. Messer ima 60 kompanija u cijelom svijetu, a kompanija u BiH je druga koja je osvojila ovaj certifikat. Messer Sarajevo Plin iskoristit će svaku priliku za otvaranje novih tržišta u primjeni plina za prehrambenu industriju", kazao je direktor Messer BH Gasa Valentin Ilievski. Direktor DQSBH - BHcert Derviš Čengić rekao je da je ta certifikacijska kuća licencirani ofis certifikacijske kuće iz Frankfurta, koja je do sada izdala oko 50 hiljada certifikata u više od 90 zemalja svijeta te naglasio da potpuno isti certifikat koji je danas dodijeljen Messer Sarajevo Plinu imaju Siemens, Bosch, Volkswagen, Porsche, Deutsche Telekom, Kodak, Phillips i još mnoge svjetski priznate kompanije.

"Možda ponekad kao konzumenti nismo svjesni da je u mnogim proizvodima Messer prisutan. Svaki put kad popijemo coca-colu, znajte da je CO<sub>2</sub> iz Messera. Kada koristimo pekarske proizvode, proizvode mesne industrije, sokove, znajte da su Messerovi plinovi u tim proizvodima. Implementacijom sistema upravljanja sigurnošću hrane Messer Sarajevo Plin je dokazao da su svi proizvodi koje isporučuje svojim kupcima sigurni za prehranu i da konzumenti mogu bez problema to konzumirati. Ovim certifikatom je pokriven i HACCP sistem", kazao je Čengić.

### **Nogometašice SFK 2000 pobjednice malonogometnog turnira Sarajevo 2011**

Prvo mjesto na 8. Međunarodnom malonogometnom turniru za djevojke „Sarajevo 2011“ osvojile su ubjedljivim nastupom nogometašice bh. osmostrukog šampiona ŽNK SFK 2000 SARAJEVO, čiji je generalni sponzor Messer BH Gas. Na turniru koji je održan u Dvorani „Ramiz Salčin“ takmičile su se slijedeće ekipe: Agram Zagreb, Lask Lazarevac, Borac Banja Luka, Čelik Zenica, Mladost Novi Travnik, Gradina Srebrenik, Salt City Tuzla i SFK. Nogometašice SFK 2000 pobijedile su Agram sa 5:0, Čelik sa 6:0, Mladost sa čak 12:0, Borac u polufinalu sa 8:0, da bi finalnu utakmicu igrale sa Laskom i trijumfirale sa 4:1. Za najbolju golmanicu turnira proglašena je Marina Petković (Lask), najbolji strijelac je Monika Conjar (Agram), dok je najbolja igračica Amela Kršo (SFK 2000). Za SFK 2000 su igrale: Pašalić Merima, Aščerić Mersiha (kapiten), Spahić Amira, Fetahović Amela, Spahić Alisa, Kršo Amela, Ivanović Ivana, Crnjak Svjetlana, Numanović Azra, Hamzić Azra. Trenerica je Samira Hurem. Juniorke SFK 2000 također su pobijedile sve svoje konkurentice.

Realizaciju turnira pomogli su: Messer BH Gas (generalni sponzor), Općina Novi Grad, NFSBiH, Ministarstvo kulture i sporta Kantona Sarajevo, Agencija za ravnopravnost spolova BiH (pokrovitelji), te BIGA, Fudbalski savez Kantona Sarajevo, Sarajevski kiseljak, Udruženje fudbalskih sudija i instruktora Kantona Sarajevo, Mesnica Lunja i Open fun football schools.



### **Messer dobio certifikat ISO 22000**

Kompanija Messer Sarajevo Plin certificirana je 16.12.2010. godine u skladu sa zahtjevima standarda ISO 22000:2005. Certifikaciju je izvršila renomirana certifikacijska kuća DQSBH – BHcert d.o.o Sarajevo. Ovom certifikacijom Messer Sarajevo Plin pokazao je da ispunjava zahtjeve sistema upravljanja sigurnošću hrane. Certifikat se odnosi na prodaju plinova koji se koriste u proizvodnji hrane.



Ovo je još jedan uspješan projekat kompanije Messer uz pomoć kojeg će aktivno sudjelovati u procesu proizvodnje hrane. Messer Sarajevo Plin iskoristit će svaku priliku za otvaranje novih tržišta u primjeni plinova za prehrambenu industriju.

### **adna posjeta mostarskom Messeru**

Neodvojiv dio poslovne strategije Messera je timski rad, afirmiranje zajedničkih vrijednosti i razvoj korporativne humanizacije. Da bi se ispunili ti postulati, bitno je da se uposlenici jedne kompanije upoznaju, jer rade na istim ili sličnim poslovima i da postanu svjesni pripadanja istoj stvari. Generalni direktor Messer BH Gasa Valentin Ilievski je svojim uposlenicima iz cijele BiH (Bihać, Sarajevo, Banja Luka, Lukavac, Zenica) omogućio druženje i posjetu Messer Mostar Plinu gdje su ih dočekali ljubazni domaćini direktor Ivica Maslač i zaposlenici Messera Mostar. Uz razgledanje kapaciteta i međusobne razmjene novih tehnoloških informacija, messerovci su se lijepo proveli uživajući u hercegovačkoj prirodi i mostarskim ljepotama.



### **Messer najkompanija, Ilievski najmenadžer**

Generalni direktor Messer BH Gasa Valentin Ilievski dobitnik je najvišeg priznanja „Menadžer 2011. godine“ Nezavisne agencije i direkcije za izbor i promociju menadžera, a kompanija kojoj je na čelu proglašena je najkompanijom za 2011. godinu. U obrazloženju Stručnog žirija za dodjelu ove visoke nagrade se kaže: „Najviše priznanje za menadžera i kompaniju Messer BH Gas dodjeljuje se za izuzetno uspješno poslovanje ove kompanije, za odličnu organizaciju kompanije, izvanredan kvalitet proizvoda i usluga“. Kompanija Messer BH Gas i njen generalni menadžer ponijeli su isto priznanje i za 2009. godinu kada je investirano 20 miliona EUR za izgradnju postrojenja za razlaganje zraka u Zenici. „Svaka nagrada je poticaj za dalje i obaveza za bolje. Mi u Messeru pravimo dugoročne planove jer polažemo u budućnost. Sretni smo da su našu strategija investiranja u bolju i stabilniju bh. proizvodnju prepoznali priznati ekonomisti i menadžeri iz BiH i Regije“ – ističe dobitnik ovogodišnje nagrade g. Ilievski. Ceremonija uručenja najmenadžera i najkompanija bit će upriličena 08. decembra u Banskom dvoru u Banjoj Luci.

### **Studenti mašinskog fakulteta posjetili Zeničku fabriku**

Messerovo postrojenje za razlaganje zraka u Zenici jedno je od tehnološki najmodernijih u svijetu. To je jedan od razloga što je često domaćin grupama stručnjaka, privrednika, ali i studenata, koji imaju šta da vide, čuju i nauče u pogonima naše kompanije. Ovaj put gosti Messera bili su studenti treće godine Mašinskog fakulteta u Sarajevu, i to sa smjerova energetika, procesna tehnika, klimatizacija/grijanje/hlađenje. Njihovi domaćini u Messer BH Gasu u Zenici bili su *plant* menadžer Avdo Dedić, vođa proizvodnje Ismir Terzić i laborantica Adisa Hakanović, koji su ih upoznali sa postrojenjem za razlaganje zraka i laboratorijom. Studentima je posebno bio interesantan agregat za kompresovanje zraka vrijedan 3,5 miliona KM, koji u jednoj od hala "troši" osam megavata struje, što je prosječna



potrošnja gradića od dvadesetak hiljada stanovnika, te pojedini pogoni koji rade na temperaturi od -185 celzusa, pa se oko njih nalazi debeli sloj leda, čak i na ljetnim tropskim vrućinama. Studenti nisu krili zadovoljstvo ovakvim ustrojem fabrike i stručnim prijemom Messerovog osoblja.



### **Messer BH Gas otvorio fabriku za CO<sub>2</sub>**

U Opštini Petrovo svečano je puštena u rad novoizgrađena fabrika Messer BH Gasa za proizvodnju CO<sub>2</sub>. Investicija je vrijedna milion EUR, a u fabrici će se godišnje proizvoditi 7.200 tona CO<sub>2</sub>, uglavnom za potrebe bh. industrije pića, prehrambene industrije te u ekološke svrhe. Također je planirano da određene količine CO<sub>2</sub> iz fabrike u Sočkovcu budu otpremene za izvoz.

Generalni direktor Messer BH Gasa, Valentin Ilievski, kazao je da će nova fabrika snabdijevati mnoge velike industrijske proizvođače s obzirom na to da je do sada BiH morala uvoziti CO<sub>2</sub>. Ovaj prvi proizvodni i distributivni objekt Messera u Republici Srpskoj, kako je kazao, u skladu je sa strategijom kompanije i pokazuje opredijeljenost za dugoročno investiranje u BiH.

„Vjerujemo da je to naš potencijal za eksport, ali vjerujemo da smo i ovim ulaganjem podržali u našim mogućnostima nastojanja da BiH ide ukorak s razvojem i modernim tehnologijama u svijetu“ – istakao je Ilievski.

Ernst Bode, glavni menadžer Messera za Jugoistočnu Evropu, kazao je da Messer u BiH sa novom fabricom u Sočkovcu i izgradnjom kisikane u Zenici sada u BiH proizvodi sve tehničke plinove.

„Naše investicije su 20 puta veće od bilo kojeg našeg konkurenta. To je jasan znak privrženosti naše kompanije ovoj zemlji. I izraz povjerenja u budućni razvoj. Kao lider na regionalnom tržištu mi smo sada više nego bilo ko drugi u poziciji da snabdijevamo svim plinovima bh. tržište. Imamo zapadni kvalitet, modernu opremu i pouzdanost po vrlo konkurentnim cijenama“ – zaključio je Bode.

Novu fabriku zajedno sa čelnicima kompanije Messer svečano su pustili u rad premijer FBiH Nermin Nikšić, ministar industrije, energetike i rudarstva u Vladi RS-a Željko Kovačević i načelnik Općine Petrovo Zoran Blagojević, koji je ovom prilikom uručio Ilievskom upotrebnu dozvolu.

Zajednički je ocijenjeno da će nova fabrika CO<sub>2</sub> biti dobar podsticaj za daljnja ulaganja u opštinu Petrovo i da će stvoriti preduvjete za razvoj mnogih industrijskih grana na tom području.

Premijer FBiH Nermin Nikšić tokom obraćanja istaknuo je da je zadovoljan što je strani kapital uložen u jedno industrijsko postrojenje, a ne u neki tržišni ili prodajni centar, te dodao da je riječ o projektu koji ima ekonomski značaj za BiH. Nikšić je također kazao da je izgradnja fabrike u Sočkovcu svijetao primjer međuentitetske saradnje i nastojanja vlada dva entiteta da rješavaju o stvarima bitnim za građane BiH.

Nakon oficijelnog dijela, direktor Predstavništva njemačke privrede u BiH Micheal Wolski zasadio je s direktorom Messer BH Gasa, Valentinom Ilievskim, drvo u krugu fabrike u čast otvaranja fabrike i njenog dobrog rada u budućnosti.

Puštanju u pogon nove fabrike prisustvovali su predstavnici vlasti FBiH i RS-a, te poslovni partneri Messera.



NOVOSTI.IZ SVIJETA PLINOVA.

### **Cutting&Welding Know-How za kupce**

U servisnom centru Messera Tehnoplina u četvrtak, 26.01.2012. godine, održana je praktična prezentacija iz oblasti „Cutting&Welding“ (rezanje i zavarivanje), koju su za naše kupce demonstrirali g. Zeller Martin i g. Axel Vogelsang. Zatim je teorijski dio prezentacije održan u hotelu „Hollywood“, te je privukao veliki interes prisutnih koji su ovakvu vrstu sagledavanja novih tehnoloških principa ocijenili veoma korisnom u proizvodnoj primjeni. Obuka je nastavljena 27. i 28. januara u hotelu „Kristal“ na Jahorini, gdje su uposlenici kompanije dobili dodatnu edukaciju i trening iz oblasti Cutting&Welding.



### **Messer napravio posebnu atmosferu**

Jedan od onih dana koje s posebnom radošću očekuju porodični ljudi glavnog grada jeste završni dan Sarajevo Film Festivala. Prilika je to da se na najpopularnijem sarajevskom šetalištu – Vilsonovo, napravi velika šarada od dijeljenja reklamnih proizvoda, uživanja u igri, muzici, sportskim aktivnostima. „Porodični dan“ predstavlja pravu uživanciju za najmlađe, a i odrasli pronađu zanimljive sadržaje za sebe. Naš najtrofejniji ženski klub SFK 2000 Sarajevo, čiji je Messer generalni sponzor, pokazao je kako to najbolje nogometašice šutaju loptu. Pažnju su privukle svojim driblinzima i nogometnim egzibicijama, ali i ubjedljivim reklamnim het-trickovima za koje se pobrinuo Messer. Od suhog leda napravljena je posebna atmosfera, stvorena magličasta zavjesa koja je djecu uvela u svijet čaranja i magije, dok je impresivni balon napunjen helijem mamio poglede znatiželjnika. Te su se subote svi dobro zabavljali, a nogometašice SFK pokazale šta umiju.

### **Messer poboljšava otpadnu vodu**



Messer je na lokaciji taložnih bazena Mittala u zeničkom prigradskom naselju Trokuće instalirao pogon za injektiranje čistog CO<sub>2</sub> u cjevovod kojim se iz Mittala u bazene dovode hiljade tona taložne vode u tri bazena. Ta voda nakon više procesa prečišćavanja završava natrag u rijeci Bosni.

Prije ovog procesa njena pH vrijednost je bila izvan zakonom dozvoljenih granica, a sada je svedena u dozvoljene okvire, čime je sav riblji, biljni i životinjski svijet nizvodno od mjesta izbacivanja otpadne vode iz Toplana dobio znatno veću priliku da preživi.

Svakog sata u to postrojenje se ubaci 500 do 1000 kilograma CO<sub>2</sub>, odnosno za 24 sata se u vodu punu pepela ubrizga oko dvadeset tona čistog, ledenog CO<sub>2</sub>.

Voda iz Mittala bez ubacivanja CO<sub>2</sub> bila je hemijski agresivna, a uz pomoć tehnološkog ostvarenja iz Messera je na nivou kišnice, pljuvačke zdrave osobe ili mlijeka.

Ovim Messer aktivno učestvuje u spašavanju ekosistema Zenice i BiH.



### **U Sarajevu Liga prvaka za žene**

Od 11. do 16. augusta igraju se kvalifikacije za UEFA Ligu prvaka za žene. Naš najtrofejniji ženski nogometni klub SFK 2000 Sarajevo, čiji je generalni sponzor Messer BH Gas, i ove godine je predstavnik BiH, s obzirom da su deveti put zaredom osvojile titulu prvakinja BiH. Ove godine su dobile i domaćinstvo, što je za klub i popularizaciju ženskog fudbala u BiH od velikog značaja. Također, SFK 2000 se po prvi put nalaze u prvoj jakosnoj skupini, tj. nosioci su grupe, što je ogroman uspjeh kluba. Dakle, tri ekipe koje će u augustu doći u Sarajevo, po bodovima i plasmanu na UEFA rang-listi su ispod naših prvakinja koje se nalaze na visokom 22. mjestu. Treba napomenuti da su bh. nogometašice najbolje rangiran tim Balkana, i da su sve zemlje bivše Jugoslavije, a također i Rumunija, Bugarska, Mađarska, Švicarska, Irska, Turska itd., ispod njih. U Nyonu u Švicarskoj žrijeb je odlučio da naše prvakinja igraju u četvrtoj grupi sa timovima Gintra Universitetas (Litvanija), Olimpia Cluj-Napoca (Rumunija) i Atasehir Belediyespor (Turska). Utakmice se igraju na stadionima Asim Ferhatović-Hase i Grbavica.



### **Ministar finansija podržao strane investitore**



Vijeće stranih investitora (VSI) organiziralo je sastanak ministra finansija i trezora BiH dr. Nikole Špirića sa predstavnicima najvećih stranih investitora u Bosni i Hercegovini. Razgovaralo se o poboljšanju poslovne klime u BiH, poreskoj i fiskalnoj politici državne vlade, te političkim barijerama koje koč ekonomski razvoj zemlje.

U raspravi je učestvovao i generalni direktor Messer BH Gasa Valentin Ilievski, koji je ukazao da je važno stranim investitorima ponuditi političku i ekonomsku stabilnost te olakšati birokratske procedure.

Jedan od načina za otklanjanje poteškoća je i implementacija preporuka iz Bijele knjige – godišnje publikacije koju izdaje Vijeće stranih investitora želeći poboljšati poslovni ambijent u zemlji.

Osvrćući se na globalnu krizu u svijetu te ekonomske perspektive regije, ministar Špirić je izjavio:

“Bez novog rasta i razvoja teško da BiH može riješiti izazove koji stoje na njenom evropskom putu. U tom smislu, Ministarstvo finansija i trezora BiH spremno je da realizuje sve preporuke iz Bijele knjige koji će podsticati ino-investitore da hrabrije nastupe na tržištu BiH.”

Predstavnici stranih investitora u zemlji izrazili su zabrinutost zbog negativnog izvještaja Evropske komisije prema kojem je BiH postigla ograničen napredak na putu ka EU u 2012. godini, te zatražili snažniji angažman vlasti pri kreiranju ohrabrujuće klime za poslovanje postojećih i privlačenje novih investitora.

Članovi VSI-a, među kojima je i kompanija Messer BH Gas, uložili su preko 8 milijardi KM u BiH i zapošljavaju preko 10.000 radnika.



### **Ilievski o privrednim potencijalima Balkana**

Od 30. juna do 3. jula u Sarajevu je održana 4. Regionalna konferencija programa stipendija njemačke privrede za Zapadni Balkan Zoran Đinđić.

Ružica Đinđić, predsjedavajuća Fondacije dr. Zoran Đinđić, otvorila je konferenciju zajedno sa 75 bivših stipendista iz Srbije, Crne Gore, BiH, Kosova, Albanije i Makedonije. U diskusiji na temu „Jugoistočna Evropa kao zajednički privredni prostor: šanse za države Zapadnog Balkana“ učestvovali su Valentin Ilievski, direktor Messer BH Gasa, Matthias Heinz, ekonomski ataše Njemačke ambasade u Sarajevu, Karin Rau, voditeljica projekta za regionalni i lokalni privredni podsticaj GIZ i drugi.

Akcentat diskusije stavljen je na pitanje uspostave zajedničke strategije koja je potrebna da bi se u regionu osigurala privredna i politička stabilnost. Program stipendija njemačke privrede započet je 2007. godine, a do danas je proširen na svih sedam zemalja Zapadnog Balkana. U okviru programa stipendistima je omogućena tromjesečna ili šestomjesečna praksa u njemačkim preduzećima, gdje stječu neophodno stručno znanje i iskustvo koje kasnije primjenjuju u svojoj zemlji.

Generalni direktor naše kompanije Valentin Ilievski u svom izlaganju je apostrofirao važnost intenziviranja ekonomskih veza u regionu koje, između ostalog, počivaju na ulaganju u mlade snage.

„Kompanija Messer provodi politiku povezivanja i suradnje na ovim prostorima već godinama. Messer je formirao svoja društva u svim zemljama Jugoistočne Evrope (BiH, Hrvatska, Srbija, Kosovo, Makedonija, Slovenija) koja uspješno posluju i koegzistiraju, nerijetko kao međusobno ravnopravni partneri suportirajući jedni druge u određenim projektima“, istakao je Ilievski koji je odgovarajući na pitanja stipendista podcrtao šanse koje ovakvim projektima dobijaju mladi ljudi i ekonomije zemalja Zapadnog Balkana. Ovo potvrđuje i činjenica da je od 2004. ovaj praktikum uspješno završilo 340 stipendista.



### Uspešna prezentacija na sajmu Grapos Expo 2012

Treći međunarodni sajam poduzetništva Grapos Expo 2012 Gračanica (16.-19.05.) bio je vrlo uspješan za Messer BH Gas. Nakon četiri dana izlaganja svojih proizvoda zajedno sa 286 izlagača iz BiH i sedam evropskih zemalja, možemo konstatirati da je naš štand posjetilo više hiljada posjetitelja i nekoliko potencijalnih kupaca.

Otvaranju sajma prisustvovao je i generalni direktor Valentin Ilievski, koji je iskazao zadovoljstvo što je naša kompanija dostigla izuzetan nivo u prezentaciji svojih usluga.

Većina posjetitelja interesirala se za medicinsku i opremu za rezanje i zavarivanje. Štand je na preporuku organizatora sajma posjetila i BHT, kojima je direktor Ilievski dao izjavu u kojoj je naznačio važnost ovakvih manifestacija poduzetništva jer spajaju poslovne ljude, omogućavaju suradnju i daju kompletan uvid u ekonomski realitet u BiH i šire.

Kroz sajmište je prošlo 17 hiljada posjetitelja. Zadovoljstvu ima mjesta i mnogi poslovni susreti rezultirali su konkretnim dogovorima.

Organizatori Međunarodnog sajma privrede Brčko uručili su nam pozivnicu za isti u novembru.



### Messer BH Gas investira u zaštitu od buke

Jedina kisikana u BiH, Messerovo postrojenje za razlaganje zraka u Zenici, ide uvijek korak naprijed u primjeni modernih tehnologija koje olakšavaju rad uposlenima i osiguravaju totalnu zaštitu okoline. U skladu s time, postavljen je i pušten u rad prigušivač na kisičnim kompresorima. Zaštita od buke je važan

sastavni dio zaštite na radu i zaštite okoline.

Radnici Messer BH Gasa i kompanije RM-LH iz Zenice su u rekordnom vremenu i po izuzetno teškim vremenskim uvjetima instalirali prigušivač koji je odmah počeo s radom. Pri radu kompresora KTK #1 u atmosferu buka je u granicama tolerancije, a KTK#2 je skoro nečujan. Time je amortizirana glasnost postrojenja i podignut na najviši nivo proizvodni proces.

Također je primjenom ovog najmodernijeg prigušivača u potpunosti zaštićena okolina jer okolno stanovništvo neće imati nikakvih problema sa bukom od kompresora. Federalna inspekcija je u jednoj od tačaka iz Zapisnika to i potvrdila.



[NOVOSTI.IZ SVIJETA PLINOVA.](#)

### **Messer prezentirao mašinu za toplo rezanje**

Zadovoljstvo klijenta je staza popločana sigurnošću za svaku kompaniju. Messer u BiH tom stazom suvereno korača još od 1997. godine i sa svojim klijentima gradi stabilan odnos. Jedan takav odnos se kontinuirano održava sa kompanijom Saračević iz Tešnja, koja je organizirala „Dan otorenih vrata“ za svoje partnere, klijente i suradnike. Povod za ovaj događaj bila je kupovina Messerove mašine za toplo rezanje. Na „Danu otvorenih vrata“ učestvovalo je više od stotinu zvanica, poslovnih partnera iz zemlje i inozemstva i predstavnika medija. Bila je to prilika da se prezentiraju proizvodi, usluge i kapaciteti tih kompanija i da se ostvare međusobni kontakti i razgovara o mogućoj suradnji. Messerovi uposlenici su napravili prezentaciju svojih proizvoda i zahvalili se organizatoru na realizaciji ovog poticajnog druženja i poželjeli stalni rast i razvoj, te uspjeh kompaniji Saračević.





### **Izetbegović posjetio Messerov štand na ZEPS-u**

I ove godine Messer je sa svojim proizvodima prisutan na renomiranom Zeničkom privrednom sajmu ZEPS. Sajam je izvanredna prilika za sklapanje poslovnih ugovora, međusobnu razmjenu iskustava i praćenje novina u pojedinim sektorima poslovne djelatnosti. Messer je predstavio svoju potpunu ponudu za potrošače koji su se mogli upoznati sa proizvodnjom i upotrebom specijalnih plinova u industriji i domaćinstvu. Štand je na otvorenju posjetio i član Predsjedništva BiH g. Bakir Izetbegović, koji je u razgovoru s generalnim direktorom Messer BH Gasa g. Valentinom Ilievskim saznao sve o poslovanju ove svjetski renomirane kompanije u Bosni i Hercegovini. "Jako sam zadovoljan organizacijom ovogodišnjeg ZEPS-a, koji omogućava privrednicima iz zemlje i inozemstva da pokažu svoje proizvode i uspostave međusobne kontakte. Messerov izložbeni prostor privukao je mnogo posjetilaca što nas posebno raduje" - rekao je g. ilievski.



### **Messerova tehnologija u banjalučkoj fabrici vode**

U Fabrici vode u banjalučkom naselju Desna Novoselija u četvrtak, 27. septembra, pušten je u funkciju objekat za pripremu vode, koji će osigurati dovoljne količine vode za piće za oko 300.000 potrošača. Ovakav kompleks zahtijeva visok nivo pročišćenosti i kvalitete vode. Stoga dio posla vezan za neutralizaciju pH-vrijednosti sirove vode i predozonizaciju uz pomoć kisika vrši kompanija Messer. To znači da se predozonizacijom zamjenjuje predhlorisanje, ne stvaraju se štetne pojave i vrši se oksidacija i onih elemenata koje hlor i zrak ne mogu. Ozon uklanja boju i mirise, a i time čini vodu prijatnijom za piće. Messerova tehnologija tretmana voda garantira da će sirova voda biti prerađena u kvalitetnu vodu za piće



u svim uslovima u kojima može biti rijeka Vrbas.

Messer i ovim putem učestvuje u gradnji novih proizvodnih kapaciteta i razvoju ekološki korektnih industrijskih sredina u Bosni i Hercegovini.



### **Premijeri Nikšić i Plevljak posjetili Messer**

Federalni premijer Nermin Nikšić i premijer ZDK Fikret Plevljak posjetili su fabriku za razlaganje kisika u Zenici gdje su razgovarali sa Valentinom Ilievskim, generalnim direktorom Messer BH Gasa.

- Mi smo ovdje 15 godina i ovo je prvi put da nam dođe u posjetu neki bh. zvaničnik. Razgovor je bio veoma koristan i uspješan i Vlada nam je ponudila punu podršku. Naše najveće prepreke su administrativne prirode. Strani investitori su ovdje voljni investirati, ali se mora raditi na olakšavanju procesa dobivanja radne dozvole i drugog, rekao je direktor Ilievski.

Prema riječima premijera Plevljaka, Kantonalna vlada će pratiti sve napore koje čini Vlada Federacije BiH da se zajednički stvara što bolji ambijent za strana ulaganja.

Premijer FBiH g. Nermin Nikšić zahvalio se kompaniji Messer što svojim prisustvom i radom stvara bolju ekonomsku sliku u BiH i naglasio:

- Svaki investitor koji je spreman da uloži u Federaciji BiH i otvori barem jedno novo radno mjesto, za nas je jako bitan i mi želimo da čujemo sa kojim se problemima suočava. Tačno je da smo preuzeli Bijelu knjigu u kojoj stoji oko 360 predloženih mjera, od kojih smo otklonili oko 270. Prema izvještaju Vijeća stranih investitora dosad preduzete mjere su osigurale uštede oko 100 miliona KM.

Do kraja 2012. godine Messer BH Gas planira investirati još milion EUR, a Ilievski je istakao da bi njihove investicije u BiH u 2013. godini trebale iznositi dodatnih 2,5 miliona EUR.

Nakon sastanka premijer Federacije i premijer Vlade ZDK su se zajedno sa generalnim direktorom Messera uputili u razgledanje ovog pogona.

Organizatori posjeta stranim investitorima su Vijeće stranih investitora, predstavnici stranih kompanija/prisutni investitori u BiH uz podršku Ureda premijera FBiH Nermina Nikšića. Ovakav vid aktivnosti nastavak je projekta saradnje između Vlade FBiH i VSI.



### **Jedna donacija za jedan mladi život**

Kompanija Messer od svog osnutka spada u red onih koje su društveno odgovorne i senzibilizirane prema najugroženijim grupama i pojedincima. Svakodnevno radimo na poboljšanju uvjeta za život tamo gdje se nalaze naša postrojenja i uredi i zbog toga je u našoj djelatnosti izuzetno izražen visok stupanj ekološke svjesnosti, ali i društvene korisnosti.

U Bosni i Hercegovini doprinosimo tako što učestvujemo u akcijama pomoći osjetljivim skupinama i doprinosimo kreiranju bolje slike bh. društva.

U skorije vrijeme mi smo bili među onima koji su učinili da jedan mladi život dobije priliku da normalno participira u društvenoj zajednici. Nakon što je čuo tužnu priču 18-godišnje Azre Rahmanović kojoj se život preko noći promijenio jer su joj liječnici konstatirali gangrenu i morali hirurški odstraniti veći dio noge, vlasnik Messera g. Stefan Messer sa generalnim direktorom Messera u BiH g. Valentinom Ilievskim, pronašli su najbolju protetičku kompaniju i kupili protezu za ovu mladu djevojku.

Njoj je jedina želja bila da prije no što liječnici izvrše odstranjenje noge, ode na svojim nogama na maturalsku zabavu.

Želja joj je ispunjena, a danas se ona navikava na protezu i pokušava živjeti kao svoji vršnjaci. Kompanija Messer je tu da joj dalji tok života olakša i podsjeti da sve što mi radimo je namijenjeno životu.

### **Film o Messeru u Bosni i Hercegovini**

U cilju što bolje i kvalitetnije promocije stranih investicija, Agencija za unapređenje stranih investicija u BiH (FIPA) u saradnji sa Norveškom ambasadom u Bosni i Hercegovini snimila je kratke promotivne filmove o strateškim bh. privrednim sektorima koji uključuju i kratke izjave i iskustva postojećih investitora. Fokus je bio na sektorima energetike, metaloprerađivačkom, drvnom i sektoru turizma, a filmovi su urađeni na engleskom jeziku.

Pored generalnih informacija o navedenim sektorima, projektom je obuhvaćeno i šesnaest kompanija koje su predstavile svoje razloge zbog kojih su se odlučili investirati u BiH. Među njima je i naša kompanija koja je u gradnju, infrastrukturu i uposlene investirala preko 40 miliona EUR.

"Živa riječ postojećih investitora predstavlja najbolju poruku potencijalnim investitorima u BiH i ima veoma jak uticaj na formiranje mišljenja o lokaciji za investiranje", poručila je Jelica Grujić, direktorica FIPA-e, na prezentaciji promotivnih spotova o mogućnostima ulaganja u BiH. Ona je navela da je privlačenje direktnih stranih ulaganja stalno aktuelna tema i prioritetni zadatak vlasti na svim nivoima.

FIPA je snimila četiri desetominutna promotivna filma o sektoru energetike, metaloprerađivačkom sektoru, drvnom i turizmu, kao i jedan 15-minutni film koji obuhvata sva četiri navedena sektora i izjave stranih investitora koji posluju u BiH. U izjavi o kompaniji Messer u BiH generalni direktor Valentin Ilievski je istakao:

- Sa velikim zadovoljstvom mogu reći da je kompanija Messer u Bosni i Hercegovini dio pozitivne BiH. Samo u posljednje dvije godine mi smo otvorili dvije fabrike – jednu u Zenici, u Federaciji BiH, drugu u Sočkovcu kod Doboja, u Republici Srpskoj. Ta dva proizvodna postrojenja u kojima se proizvode argon, kisik i CO<sub>2</sub> napravljena su u skladu sa najmodernim svjetskim dostignućima u tehnologiji. Bosna i Hercegovina je velika ekonomska regija za strane investitore.

Ovi promo filmovi o boljoj BiH bit će korišteni kao prezentacijski materijal o BiH, distribuirani po

ambasadama i konzulatima, državnim agencijama, medijima, na svjetskim trgovinskim kongresima, sajmovima i u drugim prilikama.

### **Premijer FBiH sa stranim investitorima**

U sjedištu Federalne vlade u Sarajevu održan je sastanak premijera Nermina Nikšića sa predstavnicima Vijeća stranih investitora. Razgovor je tekao u pravcu upoznavanja premijera sa realnom slikom investiranja u BiH i ukazano je na prepreke koje strani ulagači imaju, a koje treba što prije otkloniti da bi proces ulaganja bio neometan i brz. Među četiri kompanije koje su veliki ulagači u BiH našao se i Messer BH Gas koji je samo u protekle četiri godine imao direktne investicije u iznosu od oko 30 miliona EUR.

„Najveću zapreku za strane kompanije koje žele doći ovdje i investirati predstavlja teški administrativni aparat koji odugovlači izdavanje građevinske i okolinske dozvole. Taj bi se proces trebao pojednostaviti i time bi svi dobili, i državni aparat, i entiteti i lokalne zajednice, uposlenici tog investitora i naravno sam investitor“ – rekao je g. Valentin Ilievski, generalni direktor Messer BH Gasa.

Na sastanku je rečeno da je Federalna vlada od ukupno 350 uklonila 255 prepreka koje je iskazano u Bijeloj knjizi, publikaciji koju izdaje Vijeće stranih investitora, i da će preduzeti sve aktivnosti da riješe i ostatak.

„Može bolje. Treba sve prepreke otkloniti i radimo sve što je u nadležnosti Vlade FBiH. Najavljeni su dodatni investicioni projekti kompanija poput Heidelberg Cementa, Hayat Natrona, Sisecam soda i Messera, kompanija koje su već prisutne tu, a koje žele i dalje investirati u FBiH“ – istakao je premijer Nikšić.

Dok je predstavnik Vijeća stranih investitora naglasio da se investicije kreću između 400 i 600 miliona EUR, što je malo za BiH.

Na kraju je podcrtano da je sada nužno što prije otkloniti jednu važnu administrativnu barijeru u smislu dobijanja prije svega građevinskih i okolinskih dozvola.

### **Messer Sarajevo Plin postao Messer Tehnoplina**

Messer Sarajevo Plin d.o.o. u Bosni i Hercegovini posluje pod novim imenom Messer Tehnoplina d.o.o. Promjena imena došla je kao rezultat potrebe za preciznijim definiranjem djelatnosti kojima se kompanija bavi. Sa novim imenom firme nisu se promijenili internet adresa i kontakt-podaci zaposlenika Messera Tehnoplina.

NOVOSTI.IZ SVIJETA PLINOVA.

### **Messer ponosni sponzor koncerta Kemala Montena**

Messer BH Gas svojim je kapacitetima podržao veličanstveni koncert Kemala Montena koji je održan u prepunoj Zetri. Sa brojnim prijateljima koji su došli da mu pomognu održao je trosatni spektakl simboličnog naziva "Vratio sam se živote" i oduševio 15 hiljada posjetilaca.

Monteno je koncert počeo pjesmom "Vratio sam se živote", a nakon svirke i nezaobilazne "Sarajevo, ljubavi moja" na kraju se, pjesmom koju je smislio u trenu, zahvalio publici i svim gostima koji su ga podržali. Kazao je da ga je bilo strah pred koncert i da je imao tremu.

"Plašio sam se da će mi sala biti prazna i da mi neće doći niko, a došli ste mi svi", otpjevao je Monteno. Prepoznatljivi Messerovi baloni preplavili su Zetru u centralnom dijelu koncerta, dok je nekoliko numera dobilo patinu prošlog vremena zahvaljujući našim specijalnim plinovima.





NOVOSTI.IZ SVIJETA PLINOVA.

### Održan izbor stranog investitora

U organizaciji Agencije za unapređenje stranih investicija u BiH (FIPA), 13. decembra 2012. godine u Sarajevu je održana tradicionalna manifestacija uručenja plaketa najznačajnijim investitorima u BiH za 2011. godinu u četiri kategorije.

Ovo značajno priznanje Messer BH Gas je dobio za 2009. godinu, a naša kompanija je zbog svoga kontinuiranog ulaganja u ekonomiju Bosne i Hercegovine svrstana u red najznačajnijih stranih investitora. Potvrda takvog statusa stigla je u ljeto ove godine kada je FIPA promovirala kratke filmove o inostranim kompanijama koje u BiH zauzimaju visoko mesto po ulaganju kapitala, otvaranju radnih mjesta, poboljšanju tehnologije i drugim parametrima.

Messer BH Gas je kroz FIPA-ine promo filmove predstavljen među četiri najveća strana investitora u BiH koja sva svoja ulaganja temelje na gradnji, radu, izvozu i zaštiti čovjekove okoline.

Preduzeće „Bentoproduct d.o.o. Šipovo“ ove je godine izabrano za najznačajnijeg investitora u kategoriji „Greenfield“ (potpuno novo ulaganje), „Mercator BH d.o.o. Sarajevo“ je izabran kao najznačajniji investitor u kategoriji „Akvizicija/Privatizacija“.

Zajedno sa ovim ulagačima Messer BH Gas kreira pozitivniji ambijent za potencijalna strana ulaganja u Bosnu i Hercegovinu u narednom periodu.



### Održana svečana promocija Messer Tehnoplina

U sarajevskom hotelu Hollywood održana je svečana promocija novog imena kompanije. Messer Sarajevo Plin d.o.o. u Bosni i Hercegovini odnedavno posluje pod novim imenom Messer Tehnoplina d.o.o. Promjena imena došla je kao rezultat potrebe za preciznijim definiranjem djelatnosti kojima se kompanija bavi. Pored razloga koji su doveli do promjene imena, promovirani su i rezultati kompanija Messer BH Gas i Messer Tehnoplina u 2011. godini. „Naša je namjera bila da preciziramo polje našeg djelovanja u plinskoj industriji i da kroz jedan univerzalan naziv, koji ima isto značenje svuda u svijetu, postanemo prepoznatljivi na evropskom tržištu“, objasnio je razloge za promjenu imena g. Valentin Ilievski, generalni direktor kompanije, koji je također istakao bitnost ulaganja u nove tehnologije, izgradnju novih postrojenja i proširivanje Messerovih kapaciteta u Bosni i Hercegovini. „Posebno smo ponosni na novu investiciju koja će poboljšati industrijsku sliku BiH. Riječ je o izgradnji nove fabrike u Sočkovcu (Doboj-Tuzla), koja će proizvoditi CO<sub>2</sub>. Ovo postrojenje sastoji se od tri objekta (proizvodna hala, upravna zgrada i trafo stanica) i do kraja godine bit će pušteno u pogon“ – kazao je na koncu promocije g. Ilievski, koji se zahvalio medijima, kupcima i prijateljima kompanije na kontinuiranoj podršci.



### **Messer najkompanija, Ilievski najmenadžer jugoistočne i srednje Evrope**

Generalni direktor Messer BH Gasa Valentin Ilievski dobitnik je najvišeg priznanja „Najmenadžer“, a kompanija Messer BH Gas proglašena je „Najkompanijom“ od strane Nezavisne agencije, Evropskog udruženja menadžera i časopisa Euromanager.

Žiri sa sjedištem u Bosni i Hercegovini, sastavljen od najuglednijih menadžera i naučnih radnika iz šireg regiona, donio je odluku da se prestižno priznanje „Najmenadžer 2012“ broj 1, u tradicionalnoj manifestaciji Izbor menadžera godine jugoistočne i srednje Evrope, dodijeli kompaniji Messer BH Gas i direktoru Ilievskom.

Agencija za izbor i promociju menadžera je jedini globalni i nezavisni autoritet na području regiona jugoistočne i srednje Evrope, koja ovu nagradu dodjeljuje po dvadeset četvrti put, a svrstana je ravnopravno sa sedam najrespektabilnijih nagrada u svijetu (Njujork, Paris, London, Rim, Ciri, Madrid i Brisel). Na osnovu strogih kriterija Nezavisna agencija vrši identifikaciju, imenovanje, afirmaciju i promociju izuzetnih menadžera i najuspješnijih kompanija, te analizira ostvarenja najuspješnijih i prepoznaje one koji ostvaruju znatno više od ostalih, te ih nagrađuje visoko priznatim statusom „Najmenadžer i najkompanija godine“. Priznanje je pokrenula međunarodna zajednica za širu regiju, zajedno sa domaćim asocijacijama biznisa. Priznanje se dobija za konkretne rezultate koje je menadžer postigao u praksi, gdje su vidljivi konkretni rezultati rada, a namijenjeno je menadžerima i kompanijama koji svoju državu i regiju vode naprijed u razvoju.

U obrazloženju Stručnog žirija za dodjelu ove visoke nagrade se kaže: „Najviše priznanje za menadžera i kompaniju Messer BH Gas dodjeljuje se za kontinuiran razvoj, izvanredne rezultate poslovanja, te kvalitet rada i usluga“.

Kompanija Messer BH Gas i njen generalni menadžer ponijeli su isto priznanje i za 2009. i 2011. godinu. „Budućnost je ono što nas u Messeru zanima. Zato investiramo danas da bismo imali bolje sutra. To je strategija koja se pokazala efikasnom jer u cijelom svijetu vrlo uspješno trajemo 114 godina“ – izjavio je dobitnik ovogodišnje nagrade g. Valentin Ilievski.

Ceremonija uručivanja najmenadžera i najkompanija upriličena je sinoć u hotelu Holiday Inn pred brojnim zvanicama iz BiH i Regije.

### **U Mostaru kompanija Messer proslavila jubilej**

Danas je u sjedištu kompanije Messer Mostar Plin održana press konferencija i na svečan način obilježeno 15 godina Messera u BiH.

Na press konferenciji menadžment kompanije osvrnuo se na prethodni period, ulaganje u privredu i industriju BiH, stručnost uposlenih i infrastrukturu, kao i najavio nove investicije.

Messer u BiH se na tržištu BiH nalazi od 1997. godine, raspolaže sa tri društva (Messer Tehnoplina, Messer Mostar Plin i Messer BH Gas), dva proizvodna postrojenja (Zenica i Sočkovac), 3 punionice i 4 distributivna centra. Agencija za unapređenje stranih investicija FIPA dodijelila je Messeru priznanje najvećeg stranog investitora za 2009. godinu. Do danas su financijska ulaganja ove kompanije u BiH premašila cifru od 100 miliona KM, dok je uposleno preko 100 ljudi.

Na press konferenciji su se novinarima obratili g. Stefan Messer, vlasnik Messer Group, najveće svjetske kompanije za proizvodnju i snabdjevanje tehničkim i specijalnim plinovima, generalni direktor Messer BH Gas/Messer Tehnoplina g. Valentin Ilievski, direktor Messer Mostar Plina g. Ivan Maslač i gradonačelnik Mostara g. Ljubo Bešlić.

Direktor Messer Mostar Plina Ivan Maslač osvrnuo se na razdoblje kada je Messer ušao u BiH i kada je kompanija 1. jula i zvanično počela s radom pod nazivom Messer Mostar Plin.

-S Messerom mi smo svi u firmi osjetili veliko poboljšanje, promjene nabolje, stekli smo sigurnost i ne plašimo se našeg opstanka ovdje, istakao je Maslač, dok je direktor Messera u BiH g. Ilievski istakao da su orijentirani na proizvodnju i da su u samo tri godine otvorili dvije fabrike u BiH – kisikanu i fabriku CO<sub>2</sub> kojim snabdijevaju najveće bh. potrošače.

- Sto miliona KM koje su investirane u BiH najbolji su dokaz i garancija da Messer ostaje ovdje i ide dalje, zaključio je Ilievski.

Na proslavu je stigao i vlasnik ove njemačke porodične kompanije s tradicijom dugom 115 godina, g. Stefan Messer, koji je rekao: - Za kompaniju Messer tržište Bosne i Hercegovine je izuzetno značajno zbog očevidnih predispozicija koje vaša zemlja ima u pogledu razvoja industrijskih kapaciteta. Stoga ovdje vidimo mogućnost snabdijevanja raznih potrošača kojima su ovi plinovi neophodni u proizvodnom procesu, ali i priliku da ih eksportiramo u druge zemlje.

Gradonačelnik Mostara Ljubo Bešlić je potcrtao važnost ove kompanije u kreiranju pozitivne slike o Mostaru i BiH za strane investitore i naglasio da je Messer najbolja preporuka drugim inozemnim kompanijama za djelovanje u našoj zemlji.

Nakon press konferencije uslijedila je svečana proslava jubileja uz prigodan program na kojoj su prisustvovala brojna zvanice iz javnog života BiH među kojima i ambasadorica Njemačke Ulrike Maria Knotz.



NOVOSTI.IZ SVIJETA PLINOVA.

Part of the Messer World



## Djeca korisnici Messerovih proizvoda

Nema veće radosti za dijete od rođendana. A na rođendanu – zna se, torta je svemir oko koje se sve vrti. I torta mora biti posebna. O njoj se poslije nadugo i naširoko priča. A u posljednje vrijeme najviše se priča o Messerovim tortama. Nazvali smo ih „vulkan torte“.

One su savršene u svojoj neobičnosti. Iz tih fantastičnih torti suklja čokoladna lava i isparava se najdobroćudnija para kao iz crtanih filmova. A filovi tih torti tako su topli, a ostali u čvrstom stanju. Kako? Sve je to zahvaljujući našem produktu – suhom ledu, pomoću kojega se čuda čine i djeca u čaroliju uvode.

Suhi led omogućava fantaziju. Djeca su to otkrila. I ona su postala naši korisnici.

Nema ništa opasno u korištenju suhog leda, pa ga tako i djeca mogu, naravno kao u svemu drugom uz pažnju starijih, upotrebljavati u malim količinama. Jer specijalna isparenja, dimna zavjesa i magličasta mreža daju veći efekt od svega izrečenog. I djeca su sretna jer su dobili nikad viđenu tortu. Tortu koja priča drugačiju priču. I tortu koja je njihovih ruku djelo.

Nema ništa ljepše od toga da usrećite jedno dijete. A mi smo usrećili mnoge.



## Messer Mostar Plinu dodijeljena zlatna EIGA nagrada za sigurnost

EIGA je na ovogodišnjoj ljetnoj konferenciji u Dublinu, Irska, Grupaciji Messer dodijelila 2 nagrade za uzornu radnu sigurnost.

Messer Mostar Plin u BiH je za 15 godina poslovanja bez nezgoda nagrađen sa zlatnom EIGA nagradom za sigurnost.

Messer u Francuskoj je nagrađen sa bronzanom nagradom za sigurnost za 5 godina poslovanja bez nezgoda na lokaciji Folschviller.

Uprava i SHEQ menadžment Grupacije Messer se zahvaljuju svim djelatnicima koji su postupajući na siguran način sa našim plinovima pridonijeli ovakvom rezultatu.

### **Iz Messera lansiran burek u svemir**

Pod motom "Burek u svemiru - legenda je postala stvarnost" dvojica entuzijasta iz Sarajeva krenula su u naučno-popularnu misiju kojom dokazuju koliko daleko burek može ići.


Inspirirani Nadrealistima i njihovom parodijom na Star Trek „Burek u svemiru“, Adnan Pašić i Emir Hašimbegović pustili su balon u svemir sa kamerom i burekom. Lansiranje je obavljeno u Rajlovcu, u krugu zgrade Messer BH Gasa i Messer Tehnoplina.

Specijalni balon zahtijevao je i specijalni plin. Zahvaljujući našim inženjerima balon je napunjen helijem i u svojoj svojoj bjelini i punini povukao najpoznatiji bh. specijalitet.

Lansiran iz Sarajeva, prvi bosanski astronaut dosegao je 25 km visine da bi se javio GPS-om poslije sat i 40 minuta iz šume kraj sela Gornje Vrsinje, Milići.

Burek se vratio brzinom od 600 km/h i dokazao, kako kažu ova dvojica entuzijasta, da nije tačno da oni koji iz Bosne odu u nju se više ne vraćaju.

Kako je to izgledalo, pogledajte u sljedećem prilogu: [Burek u svemiru](#).



### **Messer podržava naučna istraživanja**

Od 7. do 10.03.2013. godine u Sarajevu, u prostorijama Centra za interdisciplinarnu postdiplomske studije (CIPS), održana je prva konferencija mreže njemačkih doktoranata na Zapadnom Balkanu (Dong). Pod vodstvom docentica sa Univerziteta Regensburg (Njemačka) i Univerziteta Beč (Austrija) ukupno 27 doktorskih studenata germanistike iz Slovenije, Srbije, Hrvatske i svih dijelova Bosne i

Hercegovine sudjelovalo je u radionicama za naučni rad. Na seminarima je fokus stavljen na istraživanje doktoranata, koje se provodi pod nadzorom post-doktoranata u regiji i održan je uz podršku Messer BH Gasa.

"Mi u Messeru držimo da se ulaganje u obrazovanje ne može ničim mjeriti. Uvjereni smo da se učenjem stranih jezika smanjuje prag nerazumijevanja među ljudima. Jezik je osnova za izgradnju dobrih odnosa između zemalja. Zato nam je zadovoljstvo kada možemo svojim resursima potpomoći proces edukacije na svim nivoima i učestvovati u razmjeni znanja, iskustava i naučnih dostignuća", istakao je generalni direktor Messer BH Gasa g. Valentin Ilievski.

"Važno je da se mladim doktorantima pruža mogućnost da zajedno sa njemačkim docentima i kolegama Zapadnog Balkana prevaziđu svoje poteškoće i da jedni drugima na taj način pomognu", izjavila je doktorantica Đana Tufekčić Rekić iz Tuzle.

No, nije samo profesionalna razmjena bila u središtu konferencije. Pauze na konferenciji su korištene za međusobno upoznavanje i razmjenu iskustava.

"Vrlo smo zadovoljne tokom konferencije," izjavile su Kathrin Jurkat i Dorothee Baumann, organizatorice konferencije DONG. "Nadamo se da smo mogli pomoći ne samo pojedinim doktorantima u razvojnom istraživanju, nego i osnažiti germanistiku na Zapadnom Balkanu, te osigurati osnovu za dugoročno umrežavanje."

Kompanija Messer će u skladu sa svojom korporativnom politikom nastaviti podržavati razvoj nauke i implementaciju naučnih znanja u društveno korisne svrhe.



**Messer osigurao nagrade za EUFOR-ov turnir**



Messer BH Gas jedna je od prvih kompanija u BiH koja je prepoznala značaj EUFOR-ovog nogometnog takmičenja za dječake i djevojčice iz cijele Bosne i Hercegovine. Osiguravši nagrade za finaliste, Messer uz EUFOR i ambasade Austrije i Velike Britanije potiče izgradnju BiH i promociju sporta među mladima.

U olimpijskoj dvorani „Juan Antonio Samaranch – Zetra“ u Sarajevu odigrane su proteklog vikenda završne utakmice EUFOR Cup-a, najvećeg malonogometnog takmičenja osnovnih škola u BiH. Na dvodnevnom finalu učestvovalo je 26 najboljih muških i 11 najboljih ženskih ekipa, od skoro 300 koliko je ove godine uzelo učešće u 8 regionalnih kvalifikacijskih turnira. Regionalni turniri održali su se između 9. oktobra i 8. novembra u Sarajevu, Banjoj Luci, Brčkom, Tuzli, Gračanici, Zenici, Mostaru i Tomislavgradu. Ovogodišnji pobjednici, dječaci iz osnovne škole „Mustafa Ejubović šejh Jujo“ iz Mostara i djevojčice iz osnovne škole „21. mart“ iz Matuzića uskoro će zajedno putovati u London, gdje će gledati jednu utakmicu Engleske Premier Lige. Drugoplasirana ekipa u muškoj konkurenciji, OŠ 'Ivan Goran Kovačić' iz Livna, osvojila je putovanje u Beč. Svi polufinalisti, po 4 ekipe u muškoj i ženskoj konkurenciji, nagrađeni su bogatim paketima sportske opreme.

Generalni direktor Messera Valentin Ilievski na ceremoniji dodjele nagrada u Zetri uručio je medalje trećeplasiranoj ekipi OŠ 'Safet Beg Bašagić' iz Gradačca.



[NOVOSTI.IZ SVIJETA PLINOVA.](#)

### **Malonogometni turnir Kick&Fun održan deveti put**

Predstavništvo Njemačke privredne komore u BiH u saradnji sa Udruženjem za unapređenje njemačko-bosanskohercegovačkih privrednih odnosa u subotu, 18.5.2013., u sportskom centru MG-MAS u Sarajevu organiziralo je svoj tradicionalni turnir u malom nogometu Kick&Fun 2013.

Cilj ove zabavne i sportske manifestacije je povezivanje bh. i njemačkih privrednika u opuštenoj i rekreativnoj atmosferi, ali i prikupljanje pomoći za socijalno ugrožene grupe.

Tako je i ove godine cjelokupan nagradni fond ustupljen humanitarnim organizacijama.

Posjetioci ovog devetog po redu turnira imali su priliku uživati u specijalitetima s roštilja, kolačima, kao i u njemačkom pivu, a mališane je zabavljao dječiji animator.

Učesnici turnira bili su: Alba Zenica, ASA Group, Bader Šamac, BBM Vareš, Centrotrans Eurolines, DHL International, Emka Bosnia, Graewe Tativ, Grand Hotel Bristol, Henkel BH, Messer BH Gas, Prevent BH, Sberbank BH, Stanić Group Industry, Tvornica cementa Kakanj, Volkswagen Sarajevo, Xella BH.

Prvi udarac na turniru izveo je Valentin Ilievski, generalni direktor Messer BH Gas/Messer Tehnoplina.

Messer BH Gas je ušao u četvrtfinale, gdje nas je elimirala pobjednička ekipa turnira Emka.



NOVOSTI.IZ SVIJETA PLINOVA.

### Messer u BiH opskrbljava plinovima najveće proizvođače

Messer u BiH proširuje svoje tržište opskrbe plinovima na najveće proizvođače u državi i regiji. Tako Kisikana u Zenici, koja je sagrađena 2009. godine i predstavlja model modernog postrojenja, kontinuirano snabdijeva najvećeg proizvođača željeza u BiH kompaniju ArcelorMittal Zenica. S druge strane, naša novootvorena fabrika CO<sub>2</sub> proizvodi, snabdijeva i distribuira ovaj plin prema velikim potrošačima. S jednim od njih u toku su razgovori o suradnji, provjere primjene i testiranja.

Riječ je o kompaniji Natron Hayat iz Maglaja koja se bavi proizvodnjom celuloze i papira. Natron Hayat je članica turske Hayat grupe koja je proizvodni gigant u svijetu.

Nakon što su naši stručnjaci napravili prezentaciju primjene CO<sub>2</sub> u papirnoj industriji, provedene su sistemske analize i referentne posjete u kompaniji „Dunacel“ u Mađarskoj, i 22.02.2012. potpisali smo Ugovor o provođenju proba.

Proba bi trebalo da pokaže da će kompanija Natron Hayat imati znatne uštede u hemikalijama, te kvalitetniji proizvod. Predviđeno je da proba počne u aprilu u trajanju 12 do 14 sedmica. U slučaju uspješne probe automatski na snagu stupa 5-godišnji ugovor o isporuci CO<sub>2</sub>. Procjena je da će godišnje potrebe CO<sub>2</sub> iznositi oko 800 tona.



NOVOSTI.IZ SVIJETA PLINOVA.

### **MESSER izlagač na privrednom sajmu u Tešnju**

Na ovogodišnjem 8. sajmu privrede Biznis Tešanj, koji je trajao od 19. do 21. aprila, učestvovao je i Messer Tehnoplina među 110 izlagača iz BiH i Evrope, što je za 30 više nego prošle godine. Mnogi posjetitelji su izrazili interes za izloženu opremu, posebno za naš autogeni program.

U petak 20. aprila naš štand je posjetio i načelnik Tešnja, g. Fuad Šišić, koji je Messerovom menadžeru prodaje uručio zahvalnicu za učešće na Sajmu.

Organizatori Sajma – Udruženje privrednika Općine Tešanj jako su zadovoljni što je naša kompanija po prvi put uzela učešće na ovom Sajmu.

S druge strane, ova dvodnevna sajamska manifestacija otvara našoj kompaniji mogućnost uspostave poslovnih kontakata i plasmana naših proizvoda među privrednicima u BiH i Regiji.


Messer Tehnoplina je svojom sajamskom ponudom ojačao postojeće partnerske veze, ali i sklopio nekoliko novih poslovnih aranžmana.

### **Nova imena za inertne plinove**

Umjesto „-mix“ od sada „-line“

Grupa plinova iz linije proizvoda dokazanog i opsežnog spektra Messerovih inertnih plinova za zavarivanje dobija na nivou Grupacije Messer jedinstvene nazive. Nova imena proizvoda ne mijenjaju uobičajenu kvalitetu, sastav i široku primjenu. Ferrolina za sve ne- i niskolegirane čelike. Inoxline za sve visokolegirane čelike. Aluline za sve aluminijske legure i obojene metale.





[PRINTANJE STRANICE](#)

### **Sport gradi mostove**

Svake godine Njemačka ambasada u BiH u saradnji sa njemačkim kompanijama i opštinama organizira nogometni turnir na pijesku za sve kompanije koje su zainteresirane da budu dio ovakvog zabavnog i rekreacionog programa. Cilj je sudjelovati, družiti se i otkrivati ljepote Bosne i Hercegovine.

Ove godine turnir na pijesku je održan u Goraždu 18. juna. Messer BH Gas je pružio podršku organizatoru učestvujući u organizaciji, te kao akter na terenu. U opuštajućoj atmosferi na odlično pripremljenom terenu igrao je i naš ženski nogometni klub SFK 2000.

U cilju postizanja multietničkog karaktera ovog turnira pozvane su ekipe iz cijele BiH, te im je pružena prilika da osvoje željeni trofej. Bila je ovo prilika da se uspostave kontakti između kompanija i razvije socijalna mreža komuniciranja u atmosferi sportskog natjecanja i nogometne igre. Nakon turnira organizovana je zabava za sve učesnike i saradnike.

Osim Messera u organizaciji su pomogli: VW, Bader d.o.o, Bekto Precisa, Emka Beschlagteile i ASA Group.

[NOVOSTI IZ SVIJETA PLINOVA.](#)

### **Messer se priključio najmasovnijoj volonterskoj akciji u Zemlji**

Kao respektabilna kompanija u Bosni i Hercegovini, Messer ima za cilj da učestvuje u edukaciji mladih kadrova i razvoju njihove stabilnosti u društvu. Osim što otvara nova radna mjesta, školuje svoje uposlenike i pomaže uspostavljanje serioznog poslovnog ambijenta, Messer je nezaobilazan sudionik u javnim akcijama koje podupiru ove ciljeve. Asocijacija za unapređenje informacijskih nauka INFOHOUSE i ove je godine nastavila projekat „Volontiraj-kreditiraj“ čiji je cilj pružiti priliku mladima da u radnoj sredini steknu nova iskustva koja će biti od praktičnog značaja u njihovoj profesionalnoj budućnosti, zarade novac i odluče o raspodjeli sredstava, što će razviti njihovu odgovornost i brigu za druge. Pošto se radi o najmasovnijoj volonterskoj akciji u državi koja uključuje oko 4000 učenika iz više od 200 srednjih škola iz 55 gradova u cijeloj Bosni i Hercegovini, Messer je odlučio dati svoj doprinos ovom velikom

integrirajućem projektu. Iz tih razloga naši su gosti, uposlenici-volonteri, u petak, 08. oktobra bile dvije učenice Lejla Memišević iz Druge gimnazije i Edina Čomor iz Srednje mašinske tehničke škole iz Sarajeva. Edina i Lejla su se upoznale s radnom sredinom, dobile svoje zadatke i po njihovom izvršenju na kraju radnog dana ostvarile i naknadu za svoj rad. Prema konceptu akcije „Volontiraj-kreditiraj“ te će dnevnice biti priložene na jedinstveni žiro račun i služiti će za realizaciju određenih školskih projekta. Lejla i Edina su, kako same kažu, provele ugodan i zanimljiv dan u našem centralnom uredu u Rajlovcu. Messer će i dalje kao dobar poslodavac podržavati ovakve projekte koji kod mladih bude interes za volonterskim radom i sticanjem dragocjenog iskustva u praksi.

NOVOSTI.IZ SVIJETA PLINOVA.

### Messer Kick and Fun 2012

Učešće naše kompanije na turniru u malom nogometu Kick&Fun postalo je tradicionalno. Predstavništvo njemačke privrede u BiH, u saradnji s Udruženjem za unapređenje njemačko-bosanskohercegovačkih privrednih odnosa, već je osmi put organizator turnira. Ovoga puta na turniru je učestvovalo 17 ekipa - predstavnicima njemačkih i njemačko-bh. kompanija, organizacija i institucija.

Cilj ove zabavne i sportske manifestacije je povezivanje bh. i njemačkih privrednika u opuštenoj i rekreativnoj atmosferi, ali i prikupljanje pomoći za socijalno ugrožene grupe.

Tako je i ove godine cjelokupan nagradni fond ustupljen organizacijama koje se skrbe o slijepim i slabovidnim licima, djeci s posebnim potrebama te djeci bez roditelja.

Posjetioci turnira imali su priliku uživati u specijalitetima s roštilja kao i u njemačkom pivu, a mališane je zabavljao klovn uz face painting i balone.

Učesnici turnira bili su: Ambasada SR Njemačke, Messer BH Gas, Tvornica cementa Kakanj, Xella BH, ASA Prevent, Volkswagen, Centrotans, Volksbank BH, Hotel Bristol Sarajevo, Bader Šamac, Telco, Graewe Tadić, DHL, BBM Vareš, Alba Zenica, Emka Bosnia i GIZ.

Messer BH Gas je na malonogometnom turniru osvojio četvrto mjesto.



### Messerova tehnologija u banjalučkoj fabrici vode

U Fabrici vode u banjalučkom naselju Desna Novoselija u četvrtak, 27. septembra, pušten je u funkciju objekat za pripremu vode, koji će osigurati dovoljne količine vode za piće za oko 300.000 potrošača.

Ovakav kompleks zahtijeva visok nivo pročišćenosti i kvalitete vode. Stoga dio posla vezan za neutralizaciju pH-vrijednosti sirove vode i predozonizaciju uz pomoć kisika vrši kompanija Messer.

To znači da se predozonizacijom zamjenjuje predhlorisanje, ne stvaraju se štetne pojave i vrši se oksidacija i onih elemenata koje hlor i zrak ne mogu. Ozon uklanja boju i mirise, a i time čini vodu prijatnijom za piće.

Messerova tehnologija tretmana voda garantira da će sirova voda biti prerađena u kvalitetnu vodu za piće u svim uslovima u kojima može biti rijeka Vrbas.

Messer i ovim putem učestvuje u gradnji novih proizvodnih kapaciteta i razvoju ekološki korektnih industrijskih sredina u Bosni i Hercegovini.



NOVOSTI.IZ SVIJETA PLINOVA.

### **Premijeri Nikšić i Plevljak posjetili Messer**

Federalni premijer Nermin Nikšić i premijer ZDK Fikret Plevljak posjetili su fabriku za razlaganje kisika u Zenici gdje su razgovarali sa Valentinom Ilievskim, generalnim direktorom Messer BH Gasa.

- Mi smo ovdje 15 godina i ovo je prvi put da nam dođe u posjetu neki bh. zvaničnik. Razgovor je bio veoma koristan i uspješan i Vlada nam je ponudila punu podršku. Naše najveće prepreke su administrativne prirode. Strani investitori su ovdje voljni investirati, ali se mora raditi na olakšavanju procesa dobivanja radne dozvole i drugog, rekao je direktor Ilievski.

Prema riječima premijera Plevljaka, Kantonalna vlada će pratiti sve napore koje čini Vlada Federacije BiH da se zajednički stvara što bolji ambijent za strana ulaganja.

Premijer FBiH g. Nermin Nikšić zahvalio se kompaniji Messer što svojim prisustvom i radom stvara bolju ekonomsku sliku u BiH i naglasio:

- Svaki investitor koji je spreman da uloži u Federaciji BiH i otvori barem jedno novo radno mjesto, za nas je jako bitan i mi želimo da čujemo sa kojim se problemima suočava. Tačno je da smo preuzeli Bijelu knjigu u kojoj stoji oko 360 predloženih mjera, od kojih smo otklonili oko 270. Prema izvještaju Vijeća stranih investitora dosad preduzete mjere su osigurale uštede oko 100 miliona KM.

Do kraja 2012. godine Messer BH Gas planira investirati još milion EUR, a Ilievski je istakao da bi njihove investicije u BiH u 2013. godini trebale iznositi dodatnih 2,5 miliona EUR.

Nakon sastanka premijer Federacije i premijer Vlade ZDK su se zajedno sa generalnim direktorom Messera uputili u razgledanje ovog pogona.

Organizatori posjeta stranim investitorima su Vijeće stranih investitora, predstavnici stranih kompanija/prisutni investitori u BiH uz podršku Ureda premijera FBiH Nermina Nikšića. Ovakav vid aktivnosti nastavak je projekta saradnje između Vlade FBiH i VSI.



### **Jedna donacija za jedan mladi život**

Kompanija Messer od svog osnutka spada u red onih koje su društveno odgovorne i senzibilizirane prema najugroženijim grupama i pojedincima. Svakodnevno radimo na poboljšanju uvjeta za život tamo gdje se nalaze naša postrojenja i uredi i zbog toga je u našoj djelatnosti izuzetno izražen visok stupanj ekološke svjesnosti, ali i društvene korisnosti.

U Bosni i Hercegovini doprinosimo tako što učestvujemo u akcijama pomoći osjetljivim skupinama i doprinosimo kreiranju bolje slike bh. društva.

U skorije vrijeme mi smo bili među onima koji su učinili da jedan mladi život dobije priliku da normalno participira u društvenoj zajednici. Nakon što je čuo tužnu priču 18-godišnje Azre Rahmanović kojoj se život preko noći promijenio jer su joj liječnici konstatirali gangrenu i morali hirurški odstraniti veći dio noge, vlasnik Messera g. Stefan Messer sa generalnim direktorom Messera u BiH g. Valentinom Ilievskim, pronašli su najbolju protetičku kompaniju i kupili protezu za ovu mladu djevojku.

Njoj je jedina želja bila da prije no što liječnici izvrše odstranjenje noge, ode na svojim nogama na matursku zabavu.

Želja joj je ispunjena, a danas se ona navikava na protezu i pokušava živjeti kao svoji vršnjaci. Kompanija Messer je tu da joj dalji tok života olakša i podsjeti da sve što mi radimo je namijenjeno životu.